

趙恭毅公自治官書類集

趙恭毅公自治官書卷之十九目次

長沙何祖柱蒐輯

讞斷

刑政類

批賀清蘭誣告典史鹿捕蔽冤一案

批徐昌來誣控枉濫一案

批熊甲熊乙兄弟互控一案

批周章生假契誣告趙國讓爲僕一案

批楊奇英家僕之繼子姦拐反誣抄拷一案

批藍榮接誣告挖揚一案

批廖恒二告吳從習輕事得實重事招虛一案

批戴汝鵠黑夜被捉誣告盜劫一案

批趙洪詐冒院差家人一案

批朱兆祿等誣盜詐贓抄搶一案

批李榮耀教唆李榮儀誣告一案

批高長源等誘買良人爲賤一案

批蔣云卿誘拐他人奴婢爲妻一案

批袁顯明畧賣何氏一案

批羅子野父子朋謀賣妻捏告一案

批條議弭盜一案

工政類

批嶽工木植車運由

又詳嶽工專管事宜

批呈

批衡山陳學達呈三府鹽弊

批醴陵士子請刻憲稿呈

批何高裕等詞控桂楊縣朱衮濫贓四款呈

批常寧縣士民張問明等領吳令革派善政呈

批衡陽縣生員左紹相告兄獨踞祖業呈

批湘鄉縣里民劉有源等辯傳名鐸所控馬令各
款呈

批原任雲南祿勸州牧黃承璉控巴陵黃令害民
捐官呈

批岳州府士民盧毓星等保留楊守呈

批綏寧民王國珍等保留革職吳令呈

批會同民同必正等控蠹向日選濫派各費呈

批安仁民何錫類等控何知來等惡蹟呈

批士民向熹等保留藩臬二司呈

批衡山縣生員李基訴李許太呈

批衡陽縣生員郭私甸等爲原任余天溥濫廁名

宦公呈

批巴陵縣民姜合龍等因上年水災懇借倉穀呈

趙恭毅公自治官書類集卷之

獄斷

刑政類

批賀清蘭誣告典史庇捕蔽冤一案

按察使耶楚棟看得賀清蘭等乃健訟之刁徒也去年三月內清蘭與陳連玉兌換耕牛至五月間連玉偷馬被捕役盤獲稟縣審實併供出前竊易姓之牛兌換在賀清蘭家失主聞知具稟領牛縣批典史究

追票差蔡元追出原牛給易姓領回斷令連玉出牛
價銀二兩賠償清蘭押帶比追後因連玉脫逃懸案
未結清蘭遂以庇捕蔽寬奔額 憲轅奉批嚴加訊
鞠如賀清蘭所供情節與詞內兩不相符其指稱蔡
元得銀二兩係鍾仲文見証刑訊蔡元極口稱寬仲
文對質並無交銀之事至於馮騙妄子雅銀五兩及
典當易子龍求贖不允等情清蘭在府通詞並未開
載明屈子虛賀清蘭不將兌換賊牛經失主認回緣
由具控捏情架詞如所告得實歐文等合候在法叵

一兩至五兩杖八十律無祿人減一等杖七十今虛友坐加誣告三等賀清蘭應杖一百夏子雅隨聲附和應與同罪餘審無干均請省釋可也

批賀清蘭所告蔡元得銀三兩八錢夏子雅所供交歐陽明銀三兩三錢俱不實各依律反坐加等杖一百折責四十杖鍾仲文扶同硬証減等責三十杖謝友章供許歐文六錢銀子歐文亦認夏子雅許六錢銀子歐文應照聽許財物枉法一兩以下減一等律杖六十革役謝友章許送應與同罪謝期椿另案詳到批結楊玉縱

賊脫逃重杖革役章良仍勒緝賊犯究擬詳奪餘如詳
行繳

批涂昌來誣控枉濫一案

驛鹽樞儲道叅議成光查看得涂昌來乃市井刁惡
無賴之訟棍也前以多年賣與李姓之田地牽扯楊
姓借銀爲題又持勒有退約希圖挾制回贖實無措
備價銀誑控 憲轅批經本道秉公訊斷其勒約之
罪倖以 赦前得免重擬並無冤抑可言也惟奉

憲批枷責因其患病之後僅責十五板原諭待其病
痊再行發落後曾差役驗看仍未全愈遂爾寬貫此
雖本道姑息之過未盡 憲法該犯若稍具人心亦

當懼法改悔矣乃復無端捏詞肆賣 憲聰按其狀
內隱約譏刺固未直謂本道徇私受賄而末以道承
云不許往 上多事一語巧詆之據稱誠不可解正
以實其所訴種種情節皆本道有所枉濫耳論原案
之曲直 憲臺自有明察可不必與之較量茲一一
詰之該犯惟有支離語塞而已至所告差役馬先詐
傳不許往 上多事之語並無証據及任意指出三
人姓名而又兩無其人似此刁詐險惡之徒敢於污
蔑問官鬻風漸不可長若執法懲創繩以誣告應照

詐傳四品衙門言語之律加等反坐杖八十徒二年
之罪夫復何辭但該犯之罪由於詆毀本道苟不曲
為容忍似失含垢之義伏候 憲裁鑒奪

批涂昌來遲刁瀆訴如詳杖八十徒二年以儆黨風繳

批熊甲熊乙兄弟互控一案

按察使郎廷棟審看得熊甲熊乙乃嫡堂兄弟皆名列衿監應敦一本詎熊乙偶因熊某有山一片與乙山界毗連上年八月間某僱人往山伐樹乙卽指爲越界登山奪斧毀亦起於甚微熊甲爲某堂叔出言未免持公熊乙輒以朋克毆命詞列八款控兄熊甲於縣而熊甲遂亦開列熊乙九款互控更有告後潛逃之周三公役詞列一十四款助乙控甲制勝奉

憲批審本司研審熊乙所告八款不惟悉屬

赦前

舊事卽款証竟無一人到案訊供並無確據則熊乙
難逃告兒不實之罪矣及訊熊甲所告九款據府審
詳熊乙不丁憂與縱馬踐踏田禾并準折王某爲僕
三款得實而本司遂加親勘丁憂一款已據熊甲供
認監生沒有考職不曾通呈丁憂是真六款縱馬踐
踏田禾雖熊乙狡稱熊某買來作証然某証供有用
三畝在熊乙門首自二十七年起放馬踐食沒收如
同占去一樣比之熊乙問告各款竟無一人出証者
爲証供有據矣至於準折王某一款府議問其原

中文約俱未帶來雖欲不爲準折不得將王某斷給
伊父領回原銀免追原契行縣查銷第本司覆訊既
據王某自供父親因窮請中得銀賣的不是強捉熊
乙供有王某賣契可據似又未便仍如府議矣惟是
熊乙係出銀三十兩賄求訟棍誣告另案業經審實
熊乙依以財行求例與受財人同科計賄三十兩照
枉法賍杖八十徒二年無祿人減一等應杖七十徒
一年半本案告大功兄律開雖實亦杖九十審虛加
誣告三等亦應杖七十徒一年半二罪俱發所犯相

等從一科斷熊乙係俊秀捐納監生未經考職相應
請 憲咨革律擬以爲犯法減條者戒至熊甲因弟
先行列款控告似出情非得已查箋釋內開尊長被
卑幼誣告而反誣卑幼由卑幼先犯義也宜勿論况
所告九款未至全虛熊甲似應免罪然不念一本肆
行列款亦屬不見合請行學戒飭以儆是否允協理
合詳解 憲臺審奪俯賜摘叙簡由將熊轄咨革施
行

批據詳熊乙所告悉屬 欺前舊事款証無一人到案

訊供並無確據難逕告兄不實之罪似矣但擬照告大功本律加所誣罪二等杖七十徒一年半查律開告大功尊長得實亦杖九十若誣告罪重者加所誣罪三等誣云止依凡人誣告罪加三等則必定其所誣之罪而議加非就得實之罪加等也能乙諸款最重者無如挖塚占田二事如得實則熊甲應得何罪今告虛反坐照所極之罪加等方爲合律乃以未經逐款審實無憑議擬不知是何獻法又混將告大功得實本律加誣三等殊屬不合至於以財行求係另案發覺可否併入此案

事關報部未便草率仰再嚴究虛實按律確擬招解
核奪併另敘簡詳以憑奏革發落其周三公告詞如詳
遵例另結綴

批周章生假契誣告趙國讓爲僕一案

常德府知府鄭崑瑣審看得周章生等皆狼狽相依
不風而波者也緣生員趙國讓之父趙楚富曾價買
周章生堂從之業悉章生堂前因謀賄致爭復爲插
秧口角輒指國讓父祖皆伊家僕國讓不堪污蔑因
而控縣求白章生遂指國讓之祖曾鬻身伊家改名
周春兒父趙楚富改名周望兒舉家悉爲隲下之人
挺身出訴經前縣審明契爲假設中無的人扑責章
生兄弟亦法所不能貸者但決罰之下不無過重而

王章之杖瘡特甚章生遂搥伊兄赴轅帶傷喊稟剴
牀情切致動仁者之慈奉批確審虛公研鞠據章生
所執者弘光元年賣契一紙據國議指辯弘光立在
江南元年是甲申常德流寇盤踞未奉年號等供查
甲申爲有明失鼎之年弘光雖建號江南其時悍兵
散處楚北流寇遍掠湖南雖藩封紳宦不保室家靡
戶編氓何暇收賣人口又契載希元因訟賣身其時
賊社不守誰理訟獄則賣契確屬假設又周章生所
執者康熙十一年彭子玉代書希元認工另立文約

據國議指辯伊父祖讀書識字何至倩人代書等供
訊之彭連亦供不係伊父親筆且查閱國議所執租
票皆康熙七年以來戶籍則立約出戶更爲假設且
六十餘年中兩契內無一生存之人僅熊尼衡認爲
熊扶雲之子游移祖護至詞內趙漢卿趙仲伯則爲
章生親舅而趙國讓堂兄主僕自無連姻之理更豈
辯實無鬻身之事比閱原詞章生徑指漢卿伯仲爲
光棍夫以生母手足而竟可以光棍目之又何難羅
織素有嫌隙之趙楚富父子圖併一家男婦供其役

使以快一黨狡謀也至訊胡方儀狀稿得之袖中卽
章生亦供曾請他做投詞且與搆訟之人夥同往來
其爲教唆起戒可知審趙楚官著籍班班可考自無
依傍門戶之事趙國讓應考入學已久應非出身微
賤之人其周章生兩契皆僞撰所供悉無証據証良
爲賤情真胡方儀教唆詞訟有據與熊尼衡之祖供
實屬佐証周章生合依縣擬冒認良人爲僕杖九十
徒三年律杖徒可否因伊兄玉章幸伏冥誅并邀祝
網思出憲裁胡方儀合照爲人作詞狀証告人省

與犯人同罪律杖徒但正犯現議候奪應請邀免仍
嚴行枷責示懲熊尼衡重杖蔽辜周信玉等各爲親
諱均薄責以戒無知可也

批只趙國讓入學周姓不告通庠不計已証其非僕况
又係堂舅之親寧有四兩租銀遂許其應考立戶耶熊
尼衡扶同捏証重責四十板餘如詳發落繳

批楊奇英家僕之繼子姦拐反誣抄拷一案

按察使郎廷棟看得楊奇英誣告抄搶一案緣奇英
有老僕楊善之與子楊雲漢佃種黎和秀庄川和秀
之兄昌秀有女妹與楊三宗爲妻三宗出外雲漢遂
拐黎氏而逃藏匿祝三省屋後隨經趕獲黎氏歸雲
漢卽飄然遁遁昌秀惟恐蹤跡外揚未及出控善之
因其子拐逃覺露難以復佃庄田亦復遁去當遺什
物在庄是以楊奇英藉捏抄搶控州而黎和秀始行
據實具訴該縣差拘而楊亦先匿犯毆差又經添差

拿獲到案訊究縱僕姦拐一事奇英供稱其子雲漢
本姓胡隨母改醮善之繼子並非其僕雲漢黎氏兩
不到案就現獲之隣証張爾先供稱善之果係奇英
老僕証之鑿鑿姦拐情真如雲漢無姦拐之事何以
堅避不出其黎氏之夫與父豈有甘心污衊其女而
掩抄搶之情乎訊究抄搶一事查善之原佃黎庄其
子姦拐逃匿善之亦從而遁遺有什物在庄雖據奇
英供稱抄搶質之張子祥並未目擊明係爲雲漢掩
飾姦拐故借遺什物爲由架言以抵其鋒訊究毆差

等事據赤先供任先鎖了小的要人詐了一兩五錢
銀子兩根簪子據楊佩玉供任先向繼子要三宗黎
氏詐了一兩八錢銀子嚴訊任先等極口稱冤復令
對質止供將銀四錢八分做盤纏據楊美供赤先毆
傷任先恐傷重故此報官並未過交銀子揆此情理
乃赤先毆差情虧故卽指詐贓抵塞况任先等茹刑
不認斷難懸坐除楊雲漢照提獲日另結外楊奇英
除縱僕姦拐族弟之妻及捏私家拷打監禁輕罪不
議外應照誣告搶奪人財物杖百徒三加三等律不

枉楊三益隨聲附和應照爲從減一等杖百徒三允
宜楊亦先擅敢毆差復借詐賊控道除越訴輕罪下
議外合依凡官司差人追徵錢糧勾攝公事而抗拒
不服及毆所差人者律各杖八十黎氏乘夫外出乃
聽楊雲漢姦拐潛逃應照背夫在逃律杖一百不枉
是否伏候 憲裁

批均如詳行繳

批藍榮接誣告挖揚一案

署衡陽縣事藍山縣知縣楊宗仁審看得藍榮接乃
蔡容也之佃戶也上年八月榮接之妻聶氏物故火
化枯骨盛於罈內私埋容也祖山十一月內蔡容也
到庄收租忽見山頭新塚有碑祖塋風水卽欲鳴官
藍榮接潛匿不出伊父藍生奕伊姪藍素貞央請地
隣王宴林等甘立遷骸限字是日公同地隣藍生奕
等將骸瓶起出挈帶回家此上年十一月十一日事
也迨後蔡容也蔡順養不與地耕併欲驅之使去榮

接心有不甘無隙可乘特借挖揚起釁本年二月二十六日以挖塚揚骸具控卑職以事關拋揚卽委巡檢俞尊祥勘覆繼因兩姓繪圖不一卑職覆加親勘未經質訊藍榮接以管官虐民控憲蒙批查訊差喚兩閱月而榮接到家卑職虛公研訊藍榮接供挖揚之時伊往廣西看母詢試經由之路還母氏之住址事事茫然含糊支飾蓋欲掩飾潛匿之罪其虛誕之情已可概見及問俞尊祥如何刑責供稱說是要打實未會打又據伊父藍生夾伊姪藍素貞供上年

十一月十一日被蔡容也等鎖禁書房吊打是夜將
伊媳骸體挖揚等語訊其如何吊打藍素貞供繩縛
兩手吊在壁上藍生夾把小的倒掛在樑頭上離地
五六寸等語如蔡容也果有挖揚之事惟恐藍氏人
知豈有吊縛在家使之聞知而後挖揚必無是理再
查隣証潘開名係榮接之族屬捏更潘姓爲証及至
駁問歸供隨母眼到藍家等語卑職反覆推究藍生
夾起骸有証蔡容也挖揚無據揆其不風而波因憤
蔡順養等不與地耕運之使去蓋有激而鳴音不暇

自治官書

卷九

監察院監察官

函

懷策堂

擇法應坐誣姑念異地愚民或可邀恩免議其委員
勘覆之咎伏候 憲臺鑒宥

批據詳起骸有證挖揚無據自應坐誣但以民間細事
姑免深究繳

批廖恒二告吳從晉輕事得實重事招處一案
常寧縣知縣王積真查得廖恒二捏告抄搶情由卑
職因係屢賈憲案恐長刁健之風故擬以枷責重
杖今奉飭照輕事告實重事招虛仰見憲臺慎重
周詳之至意查恒二若所告抄搶得實則吳從晉合
依白晝搶奪律杖一百徒三年今審從晉止拔秧毀
棹擬杖八十剩杖二十又徒五等折杖一百通計剩
杖一百二十告虛廖恒二合及坐杖一百折責四十
板剩二十贖銀一分四厘八毫其吳應科未經稅契

卑職淺陋之見查係三十年買田事在 赦前是以
免議今奉批飭另擬卑職細繹情事買田雖在 赦
前而 赦後仍未稅契似難概予援免若非 憲臺
惟明惟允下吏幾蹈迷津吳應科合依買田不稅契
者笞五十查應科年逾七十應照律贖銀三分七厘
五毫仍追契內田價一半入官可也第卑邑民情刁
詐實爲楚南第一不論事之大小動輒捏情 上控
倘蒙仍照原議予恒三以枷示重杖俾追刁健訟之
徒見而愧悔或亦懲一儆衆之一法也

批乃民屢行上控誠屬可恨但地方官不理詞訟使賴
抑莫仲亦將焉用州縣矣廖恒二如詳照重事招處發
落吳應科免罪追價一半送長沙縣修理義學卽取遵
依庫收報繳

批戴汝鵬黑夜被捉証告盜刦一案

按察使郎廷棟審看得戴汝鵬告戴儒生夥盜刦洗一案緣儒生係汝鵬無服族叔鵬父承玉在日盜莖儒生墳山告縣當經和息立有輪服不得再莖承玉物故汝鵬復將父柩進塋儒生不甘控縣給票自拘汝鵬不理儒生帶同戴傑娥是日午後起身至汝鵬家薄暮捉拿汝鵬回家押令還墳適有戴汝祖擔承放回汝鵬控府汝鵬控縣通詳飭審本司覆訊實因墳地起鬩蚤夜捉人委非盜刦但城步苗民雜處之

區儒生黑夜捉人刁風漸不可長府議枷責本輕應
比照現行例聚衆行兇無故將人搥去混打爲首責
四十板徒三年戴汝鶴除盜莖輕罪不議外應以誣
告天坐但儒生黑夜拿人形似乎盜但未得財耳查
婦女赤身受辱所告非盡無因應從寬照不應重杖
其盜莖有主墳地立限勒遷戴汝鶴審爲伊兄抱告
今已罪坐汝鶴應免議戴汝鶴等合依現行爲從例
責四十板何永輝仍加逃罪二等杖七十徒一年半
解役唐祿等中途不覺失囚審無賄縱情弊又於限

內捕獲仍應各予杖做是否解候親訊核奪

批戴汝鵠所告非盡無因姑照不應重杖仍勒限押選
戴儒生亦照私家拷打監禁律杖八十係戴汝鵠族叔
減一等杖七十仍枷號一月以儆不法戴宿章等爲從
杖七十何永輝加巡罪二等杖九十唐祿等各予杖疎
防職各如詳免開繳

批趙洪詐冒 院差家人一案

長沙縣知縣杜李寅審得趙洪詐冒一案蒙發卑職
嚴究遵卽拘喚研訊詰船戶余長貴趙洪僱船欲往
宜章及至永興僱夫始末之由據供趙洪指稱

趙大老爺家人原僱伊船往宜章上廣東而去因嫌
船小行至永興令伊執銀僱夫詰其前供宜章私訪
今云欲上廣東前後互異之說及供王令以私訪問
及彼愚夫無知隨口荅應等語至究趙洪假冒之由
據稱緣伊兄館於廣東提督趙大老爺衙署病故樂

昌縣地方行劫搬柩因僱船窄小舟泊永興合船戶
執銀向兵房僱夫起爨究其訪告病鄧書辦及宜章
私訪之故質之再三咸供烏有再查行李別無書札
片紙似非真正詐冒者比也念洪與船戶俱屬異鄉
窮民醵候堪憫應否網開一面並將原銀一封給發
洪恩出自憲臺非卑職所可擅便也

批據詳趙洪合船戶執銀向兵房僱夫而該縣猶稱似
非詐冒則該縣兵房俱爲行客僱夫而設矣又永興縣
將該犯銀帖併封繳到發縣則非趙洪原封甚明而該

縣乃問趙洪是否寫的包封豈有自以名帖入於錫封之理乎且永興縣以銀帖併作一封明白開寫名帖字樣而該縣乃問趙洪有名帖沒有則該縣於發下之封尙未寓目所問之詞無非囁語新例如此可卜其異日矣仰將原發銀帖併趙洪解轅驗訊仍候給咨遞解回原籍繳

批朱兆祿等誣盜詐贓抄搶一案

安仁縣知縣劉溥來陽縣知縣王賜召審看得來民
李玉卿於某日被竊失主驚覺喊同地隣追拿尹天
龍而無贓據又獲段聖生尹分尹外并獲所竊贓物
又獲劉竹後又拿路傍邂逅之張三呈報未捕似乎
六賊無疑夫賊憑贓証未聞有無贓無據而懸坐之
以賊案憲飭審奉批據張三供並未偷竊劉竹雖
自認不諱亦供偷竊李玉卿家只有四人並無尹天
龍張三詳內改造口供是何緣故之示仰見 憲仁

詳慎讞獄無微不燭之意今朱兆祿曉曉以同夥八人恣肆狡供而必欲案外無辜之周忠羅逢羅織在內揣其意無非欲掩假捕誣良欲蓋彌彰之計不狀兆祿無非一地隣也周忠等果係同夥之賊當報捕之詞何無兩人姓名豈失主不以爲寃而地隣反以爲仇也蓋因擒盜獲贓之日兆祿將現獲贓銀三兩六錢乘間侵匿又將尹分尹外擄自藏匿復將周忠羅逢誣以爲盜是以未捕查詰始知兆祿縱匿故工典有追賊追贓之騁禁兆祿也兆祿不知縱賊匿贓之

咎乃以焚捕冤民事詞上控 憲轅詞稱王典等詐
銀二十六兩研訊過付之梁子美等僉供止有六兩
付於捕役謝連之手而兆祿惟以恩全爲辭傳謝連
身克捕役自應押追兆祿賍銀三兩六錢爲是夫何
多勒二兩四錢其傾折之供不無狡飾相應於謝連
名下追銀二兩四錢給主收領至兆祿所供捕書羅
坤生捕役楊全詐銀五兩迨至面質坤生等極口稱
冤事屬子虛惟陳希道者與兆祿原有瓜葛機乘朱
姓擒賊送官之時假捕抄搶卑職等再細釋原案始

而誣魯某爲盜繼又指羅逢爲匪卅則誣周忠爲賊
擒其十歲之稚子周烏又復誣詐張頭一任燎原幾
乎不可撲滅迨至周忠張頭咸赴前縣號訴而冤讞
之勢方熄今卑職庭訊本犯直認不諱總之此一
案也李玉卿家被竊卽於是夜人贓併獲送官按律究
擬不數日而事可結矣夫何兆祿之擒賊而反行縱
賊獲匪而敢於匿贓以平民而誣指夥賊以致陳希
道等假捕誣良乘間索詐皆係兆祿自作之孽於人
何尤捕役謝連假以追贓爲由多勒銀二兩四錢入

已按以在官人役得受有事人財一兩至五兩律杖八十無祿人減一等杖七十的決準役不准援赦
贓追給主未捕王典雖審無詐贓入已而衙役犯贓
難免失察之咎朱兆祿放賊匪贓與說事過錢之梁
子美借貸之劉俊生及竊賊劉竹均有應得之罪但
事犯赦前應邀寬免惟陳希道糾集多兇假捕誣
良索詐平民清決兩難輕恕亦在赦前應否寬宥
伏候 憲裁

批朱兆祿陳尙道誣拿尹天寵等爲賊沿門搜搶不法

已極倖邀 恩赦猶可援免乃於 恩赦之後陳希道
又控同朱兆祿再起事端必將尹天寵等盡行牽告若
不遂其誣良而不止二該縣審據劉竹供同夥只四個
人尹天寵張三實是冤枉周忠羅逢寔不在場又據陳
希道供是借賊打詐則前既誣拿今又誣告刁惡至此
尚知有三尺哉查律內良民誣指爲盜俱發邊衛永遠
充軍朱兆祿陳希道指賊誣告減等滿徒稍懲怙惡劉
竹自認情真雖在 赦前應照例仍盡本法剝奪謝連
杖輩追贓給主蕭煌重杖以儆餘免議至此案衡州府

不能審出真情長善二縣又改造口供前署司竟不親
審草率據轉均干嚴例仰按察司併查明報奪繳

批李榮耀教唆李榮儀誣告一案

湘鄉縣知縣馬騰雲覆看得李榮耀狡黠懷私唆使
李榮儀捏控李榮華倚勢席卷家財而又使榮儀臨
審逃匿職隨訊戶族各供詳覆奉批按擬做誣田給
李德壽管業免致盜賣仰見 憲臺明燭如神恩弘

存恤懲惡安良之德意至矣盡矣職查李榮華與已
故李德潤無服叔姪德潤所遺出房什物價值十兩
以上如榮儀所控是實合坐李榮華以親屬相盜計
贓准竊盜論應杖七十無服之親減一等合杖六十

今所告是虛應加三等反坐原告李榮儀應杖九十
李榮繼教唆詞訟與犯人同罪惟伊哄騙愚幼將田
私賣分價不遂唆使妄賣尤爲不法應請枷責一月
以儆刁誣至李榮儀原係故民廖顯甫之子爲李德
潤螟蛉之嗣已經婚娶而父死避出忍心不殮誠屬
負恩難承李嗣着據李祿之等公議昭穆相當本宗
應繼李美玉前來隨將李榮儀令伊本姓之親叔廖
迪甫等收領歸宗似應准以李美玉承嗣其李德潤
田屋什物一併交付德舜收管聽其轉給繼嗣以續

宗祀是否允協均候 憲閱批奪

批李榮耀貪利唆訟不法已極如李榮華捉李榮儀爲
僕是實應照肩認良人爲奴律杖一百徒三年今李榮
儀所告旣虛應加三等杖一百流三千里李榮耀教唆
詞訟與犯人同罪亦該滿流姑照例總徒四年仍追價
給主李榮儀幼愚被哄從寬責懲餘併如詳行該縣擬
罪不協併飭行繳

批高長源等誘買良人爲賤一案

按察使郎廷棟看得高長源等乃生理中之無知人也緣藍邑地方米價騰貴韓枚江淑和高長源胡仲美四人商同載米往賣當僱劉文先船隻載米挽舟而上斯時彼處居民乏食者多而覓食賣身者亦復不少伊等見乏食窮人易於售買高長源遂價買封川大等五名口胡仲美買陳長瑞一家三名口爲妻子韓枚買黃國賢等五名口江淑和買婢女楊氏一口載歸龍陽縣本家衣之食之以及服藥調理在家

使喚無異祇因在巡韓牧將黃國賢妻女轉當於高
又淳國賢等哭訴 憲轅歷經府縣審訊及本司親
鞠高長源等或買一家三四口或買一兩口有實爲
妻爲子者有買爲自使用者俱各立有情願賣身文
約契價分明俱有中保並無強制誑騙之情是與畧
買畧賣者未可同日而語也惟是黃國賢等原係乏
食窮民賣身就食乃一時權宜之計今復思歸故土
又不得不以謗揚之重詞而具控也今縣府將高長
源等擬以畧買畧賣均議城旦無乃太過乎本司聽

斷之下不特高長源等極口哀號卽黃國賢饒附飽
飢之人亦覺爲之悔艾本司執法惟平總期無枉無
縱此案府縣所擬均屬未協高長源等改依不應重
律折責發落免追身價取契抹銷黃國賢等十四名
仍令押回原籍各安故土耕鑿則兩得其平矣惟是
教唆之高子亮懷挾舊仇藉此填詞牽告平民以致
游奇生無辜拖累法無可寬按律杖徒洵不爲枉合
具招解伏候 憲裁

批據詳高長源等與畧買畧賣者未可同日而語是矣

但又稱該府將高長源等擬以畧買畧賣均議城旦毋
乃太過查律內畧賣之後尙有和同相誘一條該府所
擬正指和同而言故和誘良人爲奴婢者不照畧賣擬
流而擬徒今乃以該府照畧買畧賣議徒殊屬相左况
訊據黃國賢供止得銀二兩五錢封用大供止得銀一
兩李大德供高又淳稱回銀二兩一錢廖元吉供止得
八錢陳長瑞供胡仲美又送到高又淳家得銀二十五
兩除胡仲美已故不議外高長源應照和誘良人爲奴
婢者杖一百徒三年江淑和應照和誘他人奴婢者杖

九十徒二年半高又淳劉文先並照不應重杖折責高
子亮依擬滿徒黃國賢等如詳押回原籍韓枚獲日另
結高長源發黃堡驛江淑和發排山驛高子亮發祁陽
驛各照例折責擬站年滿詳明釋放仍先取驛收報查
至黃國賢被誘有減等之罪姑念異籍行文該地方官
併作保之陳元吉封朝慶嚴行發落報繳

會批蔣云卿謗揚他人奴婢爲妻一案

署長沙府事辰州府同知宋吉金審看得蔣云卿等皆無藉棍徒也緣衡民吳乃大有婢貴喜久配僕人竈保生有一女八妹竈保之兄老君保久在滇南物故竈保奉主往探貴喜不無私怨乃大加之凌辱彼莫美生比量而居貴喜往來告愬嗟怨其主有之詎美生之子永吉視爲奇貨恰於某月內有親蔣云卿者往探止宿詢知其由永吉朵頤之興遂起謗令貴喜月認云卿爲伯許其擇嫁良家貴喜狼藉之餘欣

然聽從彼此商定內外串同審挾貴喜母女携歸寧
邑憑媒許義之說令寧民崔聯生爲妻議定財禮三
十二兩云卿又假捏貴喜爲張正可之媳寫立婚書
媒者娶者俱未之知也聯生因主婚未面扣禮十兩
交媒收存迨成婚一月之後往崔探問趨往媒家取
所扣禮十兩以歸棍徒得財逃婢得所奸媒詭計自
謂瞞天手段遠離鄉井無山踪跡之矣乃大失婢之
後四覓無踪潛行密探跟至寧邑始得實跡控諸寧
令但以拐情無據遠難斷明旋告衡陽始據闕解云

卿赴衛供出同夥止獲美生一人而元生永吉早已
入滇入川無從網羅之矣乃大心實難并故而

憲轅而爲此痛切之鳴也蒙飭前任從知府提訊詎
云卿美生請張總幻教令貴喜盡匿實情堅稱云卿
之女張姓之婦不主其主不夫其夫加之刑審又供
乃大葬去爲婢止配老君保等語以致主婢之分未
明夫婦之實難據卑署府接事再三窮究始據蔣勝
生直供真情復喚云卿美生貴喜等逐一質訊無能
遁形則貴喜之爲乃大婢女是實其配合憲保亦確

永吉之爲首誘拐云卿之和同拐帶美生元生之商
量打筭潛藏轉嫁得銀分肥節節皆實各供不諱舉
從前之霧障雲迷一旦雪消冰落矣惟詞內所開拐
帶之衣帳錫器堅供烏有毋庸究詰者也卑署職查
此案除爲首之莫永吉及爲從之元生俱各在逃應
俟獲日另結外其蔣云卿莫美生係誘買人口爲從
貴喜係被誘知情之人若照例定罪應俱發寧古塔
給與竄披甲之人爲奴但查云卿等鄉愚誤犯且因
乃大凌辱貴喜以致怨懟所致似與設心誘拐者有

間應否仍依律論擬將蔣云卿莫美生照和同相誘
他人奴婢賣爲妻妾者減良人罪一等該杖八十徒
二年爲從者又減一等應杖七十徒一年半貴喜應
照被誘律減一等亦杖七十徒一年半照律收贖給
乃大領回仍與竈保完娶後夫繼聯生及原媒許義
之供不知情俱免坐財禮給還可也

批蔣云卿莫美生姑照律發落貴喜收贖給主領回仍
與竈保完娶莫永吉緝獲另結餘並加詳行繳

批袁顯明署賣何氏一案

署衡山縣知縣杜元勳看得袁顯明乃喪心壞法之徒也窺袁天臣撫父過又明物故遂給之爲撫子相倚同居蓋亦有年無何久而局變天臣落寞飄零傭工外出挈其妻就養於岳家是明知盜贖不可同居窮奇難以共事斯亦可以全身遠害矣乃突出張子誨譚子賢者身爲袁氏姑親乃與顯明相爲表裏承領何氏仍歸顯明之室未幾遂假天臣身死之說轉嫁於劉瑞文爲妻得受財禮三十兩迨天臣歸里生

妻去帷而顯明猶逞如蛾之奇計復設制人之巧術
掣寫領字冀爲事後左券忍心害理至此無怪乎哀
天臣有活賣生妻之控奉 憲批查逐一研訊哀顯
明受財主婚蕭伯友執柯作伐張子誨譚子賢承接
何氏各認不諱哀顯明猶稱天臣久出不歸貧難供
膳試問何氏寄居母室縱使日食維艱伊母女自任
其責與顯明乎何尤如謂我躬不遑正得托詞相卸
而乃承領接回未久轉嫁是誠何心且執一紙手模
視爲金符鐵券獨不思何氏嫁於九月之前領字寫

於十月之後今訊天臣堅供不認况天臣之與何氏
同諧伉儷匪朝伊夕若使五兩可以甘心鉗口顯明
亦不必事後逼打手模天臣亦無俟奔長控告生離
活拆病狂喪心主婚滿杖不足蔽辜畧賣之條不能
爲諸犯寬也查律載設方畧誘取畧賣良人爲奴婢
者杖一百流三千里賣人爲妻妾者杖一百徒三年
新例載誘取婦人子女或典賣爲妻妾事犯不分良
人奴婢已賣未賣爲首者擬絞爲從者杖一百流三
千里今袁顯明等所犯袁天臣寄妻岳家出外未及

年餘顯明接回何氏存養詭言天臣已薨將其妻改嫁明有畧賣之跡但遵例擬議愚民無知恐失憲臺矜恤洪慈且今雖誘賣昔曾同居現有叔姪之呼似與畧賣良人爲妻養者有間合依乞養過房誘良家子女轉賣爲妻妾律科罪衷顯明合斷杖百徒三張子海潭子賢勾領何氏蕭伯友知情爲媒均應減一等杖九十徒二年半袁彩明不以大義相規而且代寫婚書分辦銀水合杖一百其左祖附和之劉贊美不應重杖以懲楊啟生雖不知情不查的實於

中說合似以不願輕答亦不爲苛劉瑞文憑媒娶婦
原爲人道之常何氏婚非自主並無苟合之情應得
免議財禮照追給主第劉瑞文娶妻固不知情擇配
殊爲不慎且何氏爲彼作衾褥之抱亦既經年若徒
供枕席之歡又全給原去之聘恐世之奸民咸幸此
舉之爲快意矣相應扣追十兩克公庶幾入官給主
之道兩得其宜且懲奸杜詐或亦挽回薄俗之微權
也何氏既歸前夫使令破鏡重圓領字追出燬銷其
袁顯明所執撫約天臣力指是假且顯明奪嫁伊妻

恩義已絕無論是真作假均應一併塗抹袁天臣聽其領妻另任可也

批袁顯明張子誨譚子賢蕭伯友袁彩明等依擬分別杖徒等罪發落何氏斷歸袁天臣領回完聚仍追給劉瑞文財禮內扣給袁天臣銀十兩均取領報查餘如詳行繳

批羅于野父子朋謀賣妻捏告一案

驛鹽糧儲道叅議成光審看得羅于野詞控周之相一案奉 憲批查本道親加嚴鞫蓋于野先年自賣身於湘潭劉姓爲僕某年間轉鬻與之相家伊本身并妻女三口實得價銀三十八兩無端易主之故雖不可知要非父病家貧之相始誘之爲奴亦非虛寫文契也服役甫及一載忽爾背主潛匿且敢愍不畏法誘買良人爲奴數月之中兩被告發有案迨之相慮其狼子野心難以馴伏控縣斷令贖身伊父羅斐

王從人領出于野夫婦詭稱另覓賣主實則倩媒嫁
媳此不過伊父子無耻奸謀暫以陳氏爲囹圄騙鄉
愚何彬先事後藉口生妻可以取之如寄耳之相固
無串媒逼賣之情也斐玉當還之相身價三十三兩
尙欠五兩以劉國相傳遞抵償立有限帖同領字身
契俱付戴天一收執以俟完銀交契亦非措約不給
也其幼女二貞於斐玉交價立限之日方行領出後
許與人則巡司送追賣銀八兩交作身價之詞與改
供行賄少斷身價之說尤屬虛誣也是此一案在于

野槿情上賓本欲歸罪之相之拆賣彬先之擅娶
兼及過檢之受賍一舉而諸人盡罹法網彼則居然
收穫水而回破鏡不可謂非計之巧矣抑知對簿之
下其情難掩伊父自爲主婚實有應得之罪彼媒人
娶者不知情而舊家長與承問官固無可污蠅乎
查羅雙玉假名子死嫁媳卽陳氏亦不知情應候畧
責之律擬罪但因伊子告發而論又當照例於法得
相容隱者告言如罪人自首法免罪不償以年老收
贖也何彬先審不知情自應免罪財禮亦毋庸入官

該縣議擬均有朱協按律當在羅于野名下追銀三十
十七兩還主陳氏仍歸于野完娶惟是于野既因贖
身賣妻此外別無所措今若斷歸財禮勢必歸於烏
有竟令彬先窮民人財兩失殊非情法之平且據陳
氏不願斷歸前夫情詞亦甚可憫即揆之于野行徑
明係與父朋謀局騙已屬義絕與嫁娶違律不同應
否仍聽彬先領歸完娶抑令陳氏離異歸宗以杜小
人無耻奸謀以免陳氏再遭嫁賣惟候憲裁核奪
至於羅于野未完周之和身價銀五兩姑念服役一

年不得定索原數所存限帖文契概行銷燬斷此葛
藤無干各犯悉予省釋可也

批羅于野同謀賣妻反行誣告刁惡極矣姑依縣擬從
寬杖做餘並如詳行陳氏被賣義絕無庸離異繳

批條議弭盜一案

按察使邵廷棟竊惟弭盜之法原屬安民要務保甲
久除易爲牌什名雖有異實則同歸要皆保固元元
防微杜漸之意惟是禦盜全在地方有司實心以清
盜源察藏盜之地防窩盜之家三者並行則盜賊自
無托跡潛踪之所矧地方一遇失事隣佑牌什人等
原有收護協拿防汛弁兵卽刻追捕之令合無請飭
村鎮十家共設大鑼一而有警令被賊之村鳴鑼聲
救隣村聞鑼一體鳴鑼接應救護塘汛聞鑼卽放銃

聲援逮捕并請鈞示一應庵觀寺廟不許容留往來
之人任歇及遊僧道侶私建密室開挖深壕假名焚
修實窩匪類併嚴飭家飯店火舖確遵以上條議
是否伏候 批示遵行

批均如詳飭遵查湖南有族長老人及廟頭方長諸名
目武斷生事橫行鄉曲顛倒是非主張生殺是以嚴行
禁革至保甲革除係何年月曾否奉有明文卽查明報
併地方作何編甲設保實力稽查不致藉端擾民一併
確議詳奪繳

工政類

批嶽工木植車運由

衡州府知府孔興滋等會詳內稱會看得修建南嶽
宮殿所需木植前用人夫擡運工力浩繁始有車運
之請又緣土著之民不善造車不善使車勢不得遠
赴隣省遣人僱覓而興工日期已蒙 憲臺會題恐
憲額堅柱上樑之吉日爲期不遠致蒙 憲臺有可
否不致悞期之批 督部院有省卽是費費亦無及
宜於平陸不宜山澤之檄又有設撥安夫之行均蒙

轉飭查議卑府等遵奉 憲行當即會同在工執事
人員等虛衷採訪務必布筭妥當以副 憲臺下問
之心查設撥安夫之法 憲檄內開每三里設一撥
每撥安夫三十名通計十撥計夫三百名每日可運
幾次將木植網就由頭撥而交付次撥是其往回既
近自與尋常肩負者不同但查自廠之嶽三十里三
里一撥遞相交卸往回已行六里即以每日十運計
筭往回即該陸十里肩運重物舉步必遲每日十里
勢亦頗難且木植之長短不齊大小不一有用三十

人而不足又有十數人而有餘者今若安設三十人誠恐扛運不足臨時難以補添扛運有餘餘人又必袖手而派定之數又必預先僱就然後可以責其不得擅離設遇陰雨此項人夫又必曠工虛糜價值則似乎設撥安夫卑府等尚未敢輕議者焉其車運之法據執事人員僉曰省工省力甚屬可行而夫匠人等則曰自少至老從未見此無他不過因既用車運則不用人夫爲數亦減爲數既減則蠅頭無處尋覓是有怨之言又未可輕信者矣伏念卑府自二月二

十一日在嶽興工之後晝夜籌思恐悞厥事捧讀
憲檄愈覺寢食俱忘慮干譴責爰思托之空言者不
知見諸實事訪問蕩平吳逆之時尙有砲車數輛堆
積衛協隨即移明止獲車輪肆付雖木料已朽而式
樣猶存於是概行拆散堅者留之腐者棄之併湊而
得二輪焉復以意授梓人打造車杆車廂載至公所
先將不甚過重之木置於車上覓牛架轆令人演習
於四月初一日試車卑府等親行押送自卯至申已
抵嶽廟是日觀者如堵止以套索未齊而楚南之牛

又架轆未慣叱之則不前鞭之則橫拽回空之時車輪已敗然而已得其概矣用是復令梓人如式打造並製備鐵鏈鐵釧以及縛軛之具就近演試轉動如前大約一車所載可抵五六十人扛擡之功然而其製猶未盡善也查嶽廟木植由一尺以至五六尺圓圓者不等先以一丈餘長尺餘圓者試之再以二丈餘長三尺餘圓及二尺四五寸圓者試之皆可輓運復以三丈餘長三尺以上圓者試之則欲欲更以四五丈長四五尺圓者試之則欲仆卑府細

思其故蓋緣木身長大而高脚車之杆短小以致不克勝任所謂弱固不可以敵強因之而另造拖扒車拖扒車之法較之高脚車其杆倍長前後共用四輪其鐵釧等項仍如前式復將三丈以至四五丈長三尺以至四五尺圍圓者更迭試之俱不敵不什矣所慮者難以駕轅難以轉轍耳因之而變通其法難以駕轅則將車轅放長而牛身不礙矣難以轉轍則照高脚車所用之牛所用之夫少增其數焉高脚車用牛三頭拖扒車用牛四頭高脚車用夫三名拖扒車

則用夫十名車前三名領牛上路牛之左右各一人
凡遇灣曲之地則提掇車綆使其照轍回轉車之左
右又各一名執鞭驅牛並攜帶撻撻凡遇高坡難上
之處則撻之使行車尾更用四人各執挽繩以隨其
後車頭欲左在後者則掣車尾於右車頭欲右在後
者則掣車尾於左若舟之有舵而左右自如矣大約
一車所載公同估計儘可抵八九十人撻運之功卑
府等再加斟酌自二丈五尺以下之木則用高車自
三丈五尺以上之木則用拖扒車又於本月初一口

裝木試車親行押送自卯至申已抵嶽廟則是車運之法省工省力妥屬可行者矣至於宜於平陸不宜於山澤之處在督院之厯照原自無違然查嶽廟建於嶽山之根嶽廟之後三十里乃至峯頂此處山勢陡絕卽肩輿尙難嶽廟之前三十里而至縣治攷其地勢逐漸而高並無絕窪絕陡之處且於飭修道路橋樑案內已成康莊間有一二小坡現在剗削所慮者不過師姑橋司馬橋查師姑橋司馬橋二處橋脊大昂橋塊大山車從此過推車艱難卑府等踏勘

情形謹以師姑橋之畔另搭板橋司馬橋之右修復
舊路遵道而行只今連試兩次往來無阻直至廟內
是車運之法省工省力實屬可行者矣抑有請者上
樞吉期

欽頒之遠近尙未能知車運少遲恐干罪戾 憲慮周
詳屬員敢不敬慎卑府等伏思修建事宜必以正殿
爲主似應先將正殿柱樑等項依原發之冊先行償
運其餘木植陸續運送亦可次第落成而無遲悞之
愆也再照前詳高脚車需夫三名今卑府等兩次試

運尚屬不足仍應議增一名合併聲明

批均如議速飭遵照併嚴飭在事人員務必殫心効力

無負職掌仍候 督部院批示繳

又詳獄工專管事宜

衡州府知府孔興滋竊惟工虞水火各有專司蓋必職守已明而後可以稽其毀最也伏查修建獄廟需用木植萬有餘根工力浩繁不得已而詳請車運然尙有未盡之義謹爲 憲臺陳之一運車之夫宜稽勤惰也大車運之法業已備載前詳無庸贅敘但人情惡勞而喜逸若聽其行止任其遲速鮮有不曠廢時日貽誤 欽工者焉卑府謬陳管見卽如高脚車五輛拖扒車五輛共車十輛應選撥縣役十名隨車

而行約束車夫不得驅牛狂走不得任意偷安如遇
高坡難上卽將第一車住下喚集第二車之人併力
送過其第三車四車以及第十車俱如此法廢牛力
不乏車不必再添然所撥之役苟無職員以統之亦
未有不慙勞而喜逸者查在工各員俱有職掌獨衡
山縣典史李永芳尙無所事應將撥就之役與運車
之夫賁交該典史令其往來巡查稽察勤惰以本地
之官員管本地之人役職分雖小而呼應必靈矣一
運車之牛隻需入飼秣也查高脚車五輛需牛一十

批呈

批衡山陳學達呈三府鹽弊

爲逆

旨倍價民困養生額 天題請革店歸商事皆天鹽價
皆賤惟三府獨貴普天鹽租皆重惟三府獨輕普天鹽
戕皆平惟三府獨重在昔衡永寶三府皆食粵鹽自清
鼎初定粵境未平而淮鹽雜行於三府其後粵平而課
不足三府屬官皆畏忝其時鹽壅而被戶鎖三府居民
俱受困至康熙六年

宸衷灼見民困特下

諭旨改食淮鹽此

皇恩廣被三府皆得食淮之便舒民之困而非以愈困
民也夫何改淮之日卽有聞克各屬官店賣鹽弗藉
王商旗號不許客船裝運設水陸塘卡於分界之境盤
拿客鹽立壟斷官店於各屬之卡發賣官鹽於是鹽價
任其高控鹽租任其削減鹽課任其過重上逆

恩旨下剝細民民居衡山卽以衡山論衡山僅隔湘潭
一水小包水腳不過一厘奈何湘潭鹽價每包一錢衡

山則賣一錢六七分湘潭鹽價貴賣一錢二分衡山則
賣二錢而鹽硃每包輕一觔鹽戩每兩重一錢較之湘
潭按美加倍矣且衡山每歲派銷子鹽並付銷停引鹽
共二十六萬三千今每包加價六七分以及輕硃重戩
之利歲計二萬有餘苛民已極況不特此也方今天下
賴

皇仁軫恤無金革之危流離之患數十年生聚民數既
倍於往時則銷鹽亦應加倍於曩昔彼官店夾裝賤鹽
與官鹽同價貴賣歲利不知其幾千萬矣小民固難稽

查而小民有帶食鹽二三包者塘卡盤詰卽以私鹽送
官坐罪傾家蕩產賣妻鬻子人情所最痛者而彼方以
爲得計衡山如此則衡山以上水路最遠者可知是以
三府官店罔盡民利餽送官府槩稱鹽商逢迎胥接得
意肆志一有連名呼控求減者則三府官店傳帖奏費
動則盈千非以私販坐賴卽以搶劫爲名誣枉良善連
年繫獄無可告訴其所湊費銀又於三府鹽內加價貴
賣以致衆民苦於淡食誰敢蹈轍自罹法網今幸

聖天子明見萬里深悉湖南閭閻疾苦 特簡福星安

輯萬民而三府民困莫重於此泣奏 都天垂念三府
蒸民俱係

聖朝赤子俱食淮安引鹽則鹽價鹽租鹽戥自應與食
淮省分同其貴賤輕重不過水路遠近稍爲增益不宜
任其逆

旨倍價困民賞示平價並賜 題請將三府鹽課俱令
淮南認納三府引鹽俱歸淮南發賣革除各屬官店高
價輕租重戥之害聽其往來舡隻裝運平賣平買之便
上副

天子改淮紓民之意下荅黎庶仰望

皇恩之心仰三府億萬窮黎得嘗一日鹹食者咸歌
聖主德澤之厚均沐 都天高深之恩矣

批 仰布政司會同驛鹽道確查報

批醴陵士子請刻憲稿呈

長沙府醴陵縣貢監生員黎而乾賀大治等呈爲懇
恩詳請允刻鴻文以爲下士楷模事切惟

都天趙大老爺清絕一塵克紹鶴琴世德文起八代何
殊瀚海昌黎自建節以來固已尸慶盈寧而文教聿新
者矣今春月課荷蒙頒示 都天憲刻一本使其做法
生等跪捧把玩欣喜不置雖鄉會鴻篇早已流傳洛下
而墨庄夙構今始煥彩豐城簡練揣摩確是棘闈模範
家絃戶誦頓使茅塞胸開生等會集同人各捐已囊意

欲重付棗梨各授一冊以爲準的心切矜式不敢自專
伏乞 俞允生等幸甚闔邑幸甚上呈

批 舊業塵封豈堪復災梨棗或以準繩不失可資初
學津梁姑聽剞劂以備覽觀繳

批何高裕等詞控桂陽縣朱衮濫贓四款呈

據呈內所開貪婪肆虐不勝髮指果否實情仰該縣卽傳集里民於城隍神前具稿示衆繕詳回覆候奪

批常寧縣士民張問明等頌吳令華派善政呈
士民逢迎官長徧徧往返千餘里其意可知矣近奉部議定例恭嚴仰該學教官查明生監齊民分別開列其生監逐名填註履歷詳報候奪

批衡陽縣生員左紹相告兄獨踞祖業呈

同氣操戈殊爲薄道然弟貧兄富亦可通財仰衡陽縣

學教官秉公確查報至呈內別字甚多訓迪之功何在
卽照數以夏楚課字學可也

批湘鄉縣里民劉有源等辨傳名鐸所控馬令各
款呈

前據湘鄉縣詳稱前令徵漕舊例外加耗米五百石上
年欣逢藩司新任傳諭勿米一石加一收量共該米九
百五十一石九斗零等語當上年節省之時而反比前
多徵耗米四百五十餘石若非里棍逢迎該縣安能橫
派屢飭查追延今不覆仰驛鹽糧道將發去張芳嚴行

勒追前項耗米以克本年漕費完日報

批原任雲南祿勸州牧黃承璉控巴陵黃令害民

捐官呈

據呈皆係家庭骨肉之事黃承璉所犯果真卽應在本
省上司及地方官告理明正其罪不容候選赴任或
題叅解任提赴山東候審何得於數千里外以無憑無
據之詞突來具控既稱遵母出首則爾母現在山東又
開干証聞升宇等七人則干証亦俱在山東本都院無
移提山東毋証來楚質審之理又無據呈將楚省職官

解往山東聽審之例如此舉動殊不知意欲何爲仰請
化縣卽將黃承璉遞解原籍濟寧州取收管報毋任在
此混擾生事致干併究速速

批岳州府士民盧毓星等保留楊守呈

據稱楊守自奉旣廉宅衷無欲雖民間亦稀聞實閭郡
所共見等語似此清廉賢守忽遭誣誤該司道何以並
不詳請一題留昧良心而廢公論如係刁徒受囑夥黨
保官顛倒是非徇私蔑公則上司不知賢否一任地棍
操其短長成何法紀卽當道嚴提確訊併查盧毓星

等係何項貢生員飭取該學回文一併詳奪繳收會
併發

批綏寧民王國珍等保留革職吳令呈

吳令革除私派素所稔知既據僉呈足徵輿情允協准
會疏題請以勸吏治爾等速回安業可也

批會同民向必正等控蠹向日選濫派各費呈

戶首與單頭無異總是現年里長之別名久經通飭禁
革何故靖屬抗不遵依雖由該縣玩愒不知該州所司
何事仰新任靖州卽日通行該屬革除戶首單頭名目

取具遵依詳實存案如有故違立即叅處仍拿該縣經承併向日還究解繳

批安仁民何錫類等控何知來等惡蹟呈

列款夥告已干明禁禍延九族尤堪駭異仰長沙府即提所供做訴紙之何次生併代作呈款之羅子升周兆榮嚴行究訊報其何知來有無劣蹟一併確查虛卽反坐

批士民何熹等保留藩臬二司呈

兩司到任以來聚已奉公愛民恤兵此爾等深受其惠

而本都院實資助理者也忽以審案註誤殊爲扼腕據
呈愛戴深摯留激切吏治民情兩俱可見卽當會疏
題請候

旨定奪爾等各回安業可也

批衡山縣生員李基訴李許太呈

批案司詳雖有李基刁詞拖累法應號擬從寬罰克公
用之語本都院批李基發學重飭並未議罰卽據抄粘
臬司行府牌內亦無催罰銀之行何以該府聽任經承
朦朧行縣追解又縱胥役欺保需索勒詐藐法極矣仰

按察司卽提有名府吏縣書學役併歇家保戶訟師嚴訊解報陳又文尹彬生果否混行責革一併查明詳奪

批衡陽縣生員郭弘甸等爲原任余天溥濫厠名宦公呈

仰衡陽縣會同府縣兩學教官卽傳前此連名具呈現存之紳衿耆庶併郭弘甸等齊集明倫堂逐一取具親供花押彙詳查奪限十日連報

批巴陵縣民姜合龍等因上年水災懇借倉穀呈借半原有定例久經通飭遵行以濟春耕該縣何以至

今尙不出易餒不關心民瘼仰岳同知嚴飭及時照例
借給速報